

Adrovaedje videyo : Avou Djåke Servote

<https://www.youtube.com/watch?v=wct2ggO3Z6A>

[https://commons.wikimedia.org/wiki/](https://commons.wikimedia.org/wiki/File:Wa_Servotte_Arnould_M%C3%A5jhon_Layicit%C3%A9.webm)

[File:Wa_Servotte_Arnould_M%C3%A5jhon_Layicit%C3%A9.webm](#)



Jacques Servotte, ki sene ses ouves «JS dèl Basse-Sambe», c' est on sculteu walon. Il a vnou å monde a Åjhô [Aiseau-Prêles] li 26 di setimbe 1949.

Po ses sculteurs, il eploye li tecnike del ceramike emayeye.

I fwait eto del serigrafeye.

Ces deus tecnikes la lyi permetnut di fé mwints côps l' minme ouve, adon a-z awè des pris foirt democratikes po lzès vinde... u ls ofri às cis k' on pàrticipé å live « Cwate paskeyes d' asteure » da Lucyin Mahin.



serigrafeyes



ceramike emayeye

Disbrifigne des scoles do moes d' avri 2026

Mots a pàrt

grabosser = fr. *turlupiner*. *Dji lyi a åk ki n' lyi plait nèn et ça l' grabosse = ça l' travaye*

schoircî : (Veskeveye : *scôrtchî* ; Hocai : *hywèrcî*) = fr. *écorcher* + *écorcer*.

tåye (*tauve*) 1. plat pour écrémer (= taile) ; 2. pailleasse. (= paye ?)

bråyler (fr. *brêler*) 1. serrer, au moyen d'un tortoir (*bråyloe*), la chaîne qui réunit la fourche du chariot à la longe (ce qui est nécessaire lorsqu'on a dû *disbråyler* pour donner au chariot la longueur voulue, notamment pour le transport du bois. 2. (t. oiseleur) entraver au moyen d'une braie (languette d'étoffe).



brâyloë



poye brâylyêye

Ratourneures

fé mâva a scoirner les boûs (Hocai : a *hywèrner*) : fr. écorner
gn a pus d' on tchvâ k' on lome Baron = gn a pus d' ene cavale k'
on lome Bixhete = n a pus d' on tchén k' on lome Curêye.
sinti fleurs d' awousse å prétins = aveur l' amour e l' tiesse.
rôdeu d' coyés ås tchéns (*rôdeû d' couyès a tchin*) = drole di zik,
foirt rapiasse.

Scole pâzès scolîs

**Li djudjmint sor vos dipind di comint k' vos vs
mostrez dvant les djins** (couleur del pea, mousmints,
tatouwaedjes, assaetchances secsuweles)

(Souzane Mahin)

Videyo d' egzimpe di diferince di response cwand on cwirt po trover
ene plaeece (e francès) : <https://www.youtube.com/watch?v=YpaguCNcvEc>

Les pârts di virêye

(Gaston Wilvers)

Po lére : <https://rifondou.walon.org/lv/bauke-rif.html#paurt>

<https://wa.wikisource.org/wiki/>

[Cwand_dj%E2%80%99_al%C3%A9ve_f%C3%A9_do_bw%C3%A8s_d%E2%80%99_tch%C3%A5faedje_avou_nosse_pere](https://wa.wikisource.org/wiki/Cwand_dj%E2%80%99_al%C3%A9ve_f%C3%A9_do_bw%C3%A8s_d%E2%80%99_tch%C3%A5faedje_avou_nosse_pere)

Li pormoennâde Charles Bentz a Rondu (e walon)

(Thérèse Colaux)

Les dorêyes à souke

(Julie Leboutte)



clâyes



voletes et platenes

Fâves etimolodjikes (etymologies populaires) dins les nos d' viyaedje

(Roland Neuprez)

Documintâcion : https://wa.wikipedia.org/wiki/F%C3%A5ve_etimolodjike

Les côteures (cultures) a Arniye après l' guere

(André Vincent)

Documintâcion (avou des eredjistrumints da André Vincent) :
<https://wa.wikipedia.org/wiki/Arniye>

20 nos d' famille (motoit) walons

(Laurent Dabe)

Documintâcion :

https://lucyin.walon.org/diccionairaedje/antroponimeye/AG1_1.pdf

https://lucyin.walon.org/diccionairaedje/antroponimeye/AG1_2.pdf

Li porcession del Fiesse-Diu

(Jean-Marie Adam)

Li gote às naweas d' âbricot

(Michèle Pierlot)

Fât 20 naweas d' âbricot. Adon, on n' è sait fé k' ene botaye par an, ki vos avoz ddja vudî li samwinne passêye.

Tchanson

Sol voye di Brogne

- I.** Sol voye di Brogne, gn a tant des broûs, / Sol voye di Brogne, tchaeke cōp k' i ploût. / I gn a ene croes ås cwate tchimins, / On dit k' c' est po Djene et Djâcmin.
- II.** Djene a cwate frés, sôdârs tertos, / Djene a cwate frés, fizik å dos. / Il ont wangnî tant des batayes, / On dit k' il ont rçû cwate medayes. / Tant k' a Djâcmin, l' minåbe bierdjî,
- III.** Tant k' a Djâcmin, l' bea ptit hierdî, / Il a ene pea d' gade si l' vint shofele. / On dit k' i cnoxhe li no des stoeles.
- IV.** « Binamés frés, leyîz m' aler, / Binamés frés, å bal danser ! / Divant k' i n' plouve, divant meynute / Dji vs di k' dji m' vénrè mete a houte! »
- V.** « Alez danser, tchere pitite sour ! / Alez danser, c' est l' tins d' l' amour! / Mins dimefyîz vs do ptit hierdî : / On dit k' c' est l' fi d' on vî sôrcî. »
- VI.** Djâcmin est la: passe-pî, gavotes, / Djâcmin est la: valeses et maclotes ! / I fwait tchanter si årmonica [*accordéon*]. / On dit k' c' est por lu k' Djene dansa.
- VII.** Meynute ki soune, ele danse todi, / Meynute ki soune, avou li ptit. / On houke les frés : « Vosse sour est sote ! / On dit k' ele va fé voler s' cote. »
- VIII.** Les frés sont la, ki breyèt hôt, / Les frés sont la : « Rivnoz do cōp ! » / « Dji n' vou nén, ca l' fleur di m' rôzî, / Dji vs di k' c' est po m' pitit bierdjî! »
- IX.** Les deus corèt dins l' averdinne, / Les deus corèt a piede alinne. / Après Brogne, i l' volént lever: / On dit k' c' esteut po s' î maryî.
- X.** Ås cwate tchimins, on les racsût, / Ås cwate tchimins : « Vos estoz cûts ! » / Si coutea, li ptit l' a mostré, / On dit k' cwate fiziks ont tiré.
- XI.** Sol voye di Brogne, gn a tant des broûs, / Sol voye di Brogne, tchaeke cōp k' i ploût. / I gn a ene croes ås cwate tchimins, / On dit k' c' est po Djene et Djâcmin.



Cåzaedje : Lorint Hendschel, muzike et tchantaedje, « *La Rawette* », Fiesse ås lingaedjes walons 2025.

<https://youtu.be/h4LfvmT0sUK>

Deujhinme tchanson e videyo rwaiteye

<https://youtu.be/PGZgjSjZYIE>